

UGOVOR O PRAVNOM ZASTUPANJU

Sklopljen 17.09.2019. u Sarajevu

J.U Muzej Sarajeva, Josipa Štadlera 32 71000 Sarajevo zastupano po direktoru Mirsadu Avdiću kao nalogodavcu

i

Advokatska kancelarija Emira Potogije, Telali 10, 71000 Sarajevo, kao nalogoprimeca.

Član I

Nalogodavac ovlašćuje nalogoprimeca da ga zastupa u svim pravnim poslovima za koje postoji potreba za profesionalni angažman u licu stručnog pravnog lica, advokata, a posebno ga ovlašćuje da ga u slučaju potrebe zastupa pred državnim institucijama i sudovima u Bosni i Hercegovini.

Nalogodavac će u slučaju potrebe nalogoprimeca ovlastiti da za njegov račun sačini stručna mišljenja i pravne ekspertize za određena pravna pitanja.

Za zastupanje u pojedinim pravnim stvarima, za koje postoje zakonski razlozi, nalogodavac će dati zakonom propisanu punomoć, a naloge za određene aktivnosti može uputiti putem e mail komunikacije ili putem faxa.

Generalna advokatska punomoć je sastavni dio ovog ugovora.

Član II

Nalogoprimec se obavezuje prema nalogodavcu da će za njegov račun poduzimati pravne radnje u skladu sa nalozima i dogоворима koje primi od nalogodavca.

U ime nalogodavca, naloge mogu potpisati direktor društva u skladu sa svojim ovlaštenjima, te osoba koju ona ovlasti.

Član III

1. Za izvršenje naloga nalogodavac se obavezuje da će isplatiti nalogoprimecu naknadu u skladu sa važećom advokatskom tarifom za obavljene poslove.
2. Ukoliko obavljanje pravnih poslova nije regulisano advokatskom tarifom isti će biti računati po utrošenom radnom satu za obavljanje tog posla.
3. Cijena radnog sata iznosi 80,00 KM.
4. Fakture ili profakture će vam se dostavljati na mjesecnoj osnovi, ili u drugim intervalima koje se usaglase. Fakture će sadržavati specifikaciju obavljenog posla, uključujući konkretne datume, imena lica koja su bila angažovana i opis obavljenog posla. Iznosi na fakturi će biti izraženi u lokalnoj valuti.

Advokatska kancelarija Potogija, advokati Emir Potogija i Tarik Potogija
Telali 10, Sarajevo, tel/fax 033 232-263

5. Nalogodavac je obavezan plaćati PDV ukoliko se ispostavlja faktura od PDV obveznika.
6. Fakture će se slati od strane advokata Potogija Emira, ali u slučaju potrebe mogu se poslati i fakture od advokata Potogija Tarika.
7. Za zastupanje u određenim predmetima od izuzetne složenosti ili važnosti nalogodavac i nalogoprimac mogu ugovoriti bonus ili nagradu za uspješno zastupanje.
8. U slučaju dobijene parnice advokat ima pravo naplatiti dosudene troškove postupka, kao nagradu.

Član IV

Nalogodavac je dužan nadoknaditi sve troškove nastale vezane za ovaj pravni posao a nakon prezentiranja originalnih računa, sudske i općinske takse, naknade za vađenje dokumenata, naknade za prevodenje ili bilo koje troškove vezane za ispunjavanje naloga.

Član V

Nalogoprimac će za i u ime nalogodavca u sklopu redovnih aktivnosti obavljati sljedeće radnje:

1. Davati stručna mišljenja i pravne analize iz radnog prava i radnopravnih odnosa
2. Rješavati statutarna pitanja nalogodavca, kreirati interne akte i pravilnike nalogodavca
3. Rješavati probleme pred upravnim organima
4. Analizirati poslovnu dokumetaciju nalogodavca
5. Pravana podrška u investicionim ulaganjima.

Sudska zastupanja i zastupanja pred nadležnim državnim organima u upravnim postupcima ne spadaju u redovno poslovanje.

Član VI

U zavisnosti od mogućnosti i kapaciteta, nalogoprimac može pomoći u pružanju usluge internog prevodenja sa engleskog i na engleski jezik. Prevodilački tim specijalizovan za prijevode u oblasti prava može izvršiti prevodenje i odgovoran je za kvalitet tog prijevoda. U slučaju neophodnosti da se prijevod izvrši od strane prevodilaca izvan advokatske kancelarije možemo organizovati izvršenja takvog prijevoda, ali nećemo biti odgovorni za njegov kvalitet.

Član VII

Nalogodavac može odustati od ugovora u svakom trenutku, sa otkaznim rokom u pisanoj formi od 30 dana.

U tom slučaju nalogodavac je dužan nalogoprincu isplatiti odgovarajući dio naknade za već izvršene radnje u ime nalogodavca.

Član VIII

Sve informacije u vezi sa Vašim poslovanjem i događajima u vezi sa tim će se smatrati povjerljivim i kao takve se čuvati u svakom momentu, osim ako nam date uputstva da objelodanimo informacije, ili ako smo po zakonu obavezni da ih objelodanimo (na primjer, u slučajevima kada se radi o prevari, pranju novca ili drugom krivičnom djelu).

Advokatska kancelarija Potogija, advokati Emir Potogija i Tarik Potogija
Telali 10, Sarajevo, tel/fax 033 232-263

U slučaju sukoba Vaših interesa i interesa drugih klijenata Advokata, sporazumno ćemo razmotriti situaciju i zajedno odlučiti o daljem postupku.

U cilju zaštite vaših interesa ili interesa drugog klijenta, možda ćemo biti primorani da prestanemo sa radom na Vašem predmetu. U tom slučaju ćemo se potruditi da pronađemo, ili da Vam pomognemo da pronađete, drugu kancelariju uporedive reputacije koja će Vas zastupati.

Potpisom na ovom ugovoru dajete svoju saglasnost da Vaš naziv kao klijenta advokatske kancelarije Potogija možemo koristiti za potrebe davanja informacija o našim profesionalnim referencama. To ni u kom slučaju neće uključiti otkrivanje bilo kakvih povjerljivih informacija bilo kojem trećem licu.

Član IX

Nalogoprimec može primiti otkaz u bilo koje doba tokom radne sedmice.


Nakon otkaza dužan je vršiti poslove koji ne trpe odlaganje a u interesu su nalogodavca, dok sam nalogodavac ne preuzme brigu o njima.

Član X

Stranke prihvataju ovaj ugovor te ga svojim potpisom i potvrduju.

Član XI

Za eventualni spor nadležan je Općinski sud u Sarajevu.

Nalogodavac



Nalogoprimec
